



TSEBISO TSEBISO TSEBISO TSEBISO TSEBISO TSEBISO

TSHITISO YA PHEPELO YA MOTLAKASE ZAMDELA

Ramotse wa Masepala wa Lehae wa Metsimaholo, Molekgotla Brutus Mahlaku o kopa tshwarelo ho baahi ba Zamdela mabapi le tshitiso ya kamehla e bakwang ke ho kgaoha ha phepelo ya motlakase ho tloha kgwedi e fetileng. Molekgotla Mahlaku o tshepisa baahi ba Zamdela hore masepala o hlokometse bothata bona mme o leka ka hohlehohle ho rarolla bothata bona.

Ho na le bothata ba setegeniki seteisheneng se sennyane sa Zamdela se fepelang motse wa Zamdela kaofela ka motlakase. Lefapha la Motlakase la masepala le sebetsa ka thata ho netefatsa hore bothata bona bo rarollwa kapele.

Re kopa baahi ba motse wa rona ba sa sebetseng hore ba qale ka ho phehela mantsiboya e sa le ka nako ho suthela baahi ba tjhaisang mahareng a 16H00 le 17H00 ka ha seteishene sa motlakase se imetswe ka baka la bothata bona ba setegeniki. Ka baka lena re tlameha ho fokotsa boima ba phepelo (load shedding) hore baahi bohle ba kgone ho fumana motlakase.

Ka boikokobetso re kopa tshwarelo ho baahi ba Zamdela ka tshitiso ena mme re ba tshepisa hore masepala o ikemiseditse ho ba abela ditshebeletso ka tsela e kgotsofatsang.

PHATLALATSO HO TSWA OFISING YA RAMOTSE